

梅氏驗方新編

第一集

天虛我生重刊

頸項	頭部	腮嘴	鬚部	齒部	眼部
	鼻部	咽喉	耳部	口舌	面部

卯 5

4

共 7 册



天虛科生重刊

(第一集)

梅氏驗方新編

西湖伊蘭題



中華民國二十三年十月十日重刊初版三千部 計共七集定價三元二角
 中華民國二十六年八月八日重刊再版二千部 減收每部二元批發七折

贈送物品 如用此書 最有實益 蓋於平時 必不購買 此種書籍 得此可以 有備無患 不啻千金 肘後方也

梅氏驗方新編

第一集 定價五角

原刊者 梅啓

重刊者 天虛我生

置版者 利用造紙廠

在無錫惠商橋普濟堂對面電話三五〇

發行者 家庭工業社

在上海南京路望平街口電話九四〇一四至一五

借板印刷不論多寡均按頁數統計每二面連紙印訂三厘底面雙算不滿千部者概加一厘單印一集亦可



南京中醫藥大學圖書館版權所有

再版弁言

此次在京承司法行政部謝次長介紹得識行政院評事梅光義先生長談炊許相送出門偶涉鄉黨齒爵始知先生與予同年卽著是編之撫浙使者梅公長公子也而在前一日遊雨花臺時品茗於第二泉座中宋姓老人與予伴遊之莊君相諭謂予精神矍鑠似善養氣者自言其師王某亦善養氣曾爲皖藩梅氏治不治之症旋調浙撫任內遂得老年之子報以千金不受因而刊行醫書但均未言其名予亦漫應之耳初不置意及歸蝶墅海上王滄萍書來謂前印梅氏驗方新編除寄南京梅先生一部外原存不滿百部不十日已告罄近來紙價雖貴但以自造之浙字毛邊印之每部價值仍可如前蓋印二千部以廣其傳予因念及此書原刊於光緒四年卽予與梅光義先生同年誕生之己卯歲也直至民國十年始由杭州總商會顧會長重印一次僅二千部去今五年以前予家所藏一部忽缺兩本曾向顧氏借版雖蒙允可而原版已蛀蝕不堪爰經重鑄鉛版單印梅氏所編一千零七十八頁分爲七卷除自印一千部外附印者亦得二千部上年三友實業社重印一千部是則流傳於最近三年中亦近半萬家矣此次金陵作客兩度勝游得悉此書之刊印緣起足知世間一切事皆有天然之因果在其中也梅氏撫浙風有萬家生佛之號此編自初印迄今已滿六十年花甲一周而三次重印猶未能滿萬部豈有待於今之人耶王君滄萍擬援前次附

印之例而乞再版之序於予爰述如上惟作此稿時門外鼓聲填然響應山谷而樂聲繼之初不介意三友社之總經理陳君適在蝶廊坐雨看荷葉上露珠喟然歎曰人生固如是耳問何所感則曰豈不聞鼓樂之聲歟此卽商會會長顧君之殯儀也予與顧君本爲世交前借是編印板時已在病中今始得以解脫塵累向別一世界而去究不知三千世界中何處較爲安樂惜不能以精誠致其魂魄爲予述其狀況於此序文中增廣讀者之知識耳時在丁丑端節前二日雨中天虛我生識於蝶墅



重刊梅氏驗方新編


弁言

此書係浙撫梅啓照氏於光緒四年重刊鮑氏驗方新編時於原書十六卷後增添八卷其第二十三卷係痧症全書坊間石印本之增廣驗方新編已與鮑氏原書十六卷盛行於世惟梅氏所增坊間並無印行吾杭搢紳之家藏有此書者莫不視同傳家之寶蓋梅氏原印不多因非賣品故不易得民國十年杭州總商會顧竹谿氏以重金購得其板曾印十部亦非賣品殊少流傳吾家所存一部則為先君之遺先君擅醫在洪楊時活人甚多予以七歲失怙同胞四人胥由先慈一手撫育予在兒時嘗見先慈每年必以芙蓉花浸鹽酒中明年夏日小兒有患瘡癰者敷之立愈又以初生之鼠漬菜油中有患湯火傷者得此立止其痛又於梅雨時捕集蜚螬與梅子同醃遇喉症輒應手而愈予皆親身所曾實驗者也如以蠟梅花浸油以玉簪花製粉以鳳仙花染指甲及以其根濯足以鷄冠花子催生以白石榴花治吐血以白荷花瓣夾入書中備治疔毒以藕節製為澄粉自療癰結之血症甚至清明所插之柳端午所懸之艾七夕乞巧之水中秋桂花之露以及蟹螯作蝶魚骨為仙壁蟾之錢出蛾之繭莫不隨時采集盡作寶藏因而大家庭中認之為小藥庫予初不知其原及既讀我楹書乃知悉本梅氏驗方而在諸婦臨產之際所有一切指訓亦皆悉合於此書如以熨

斗醋炭預置房中以范麻仁仔細秤量預攤紙上則又為予所習見者顧皆備而不用及予
長嫂血暈大兒難產則竟應手取效從容不迫至於獨參湯及生化湯尤無不進之以時此
皆合於本書臨產須知各則蓋已成為家庭習慣及至吾婦抱孫先慈早已見背而一切設
施無不暗合於書足見家庭中有此一編實比肘後千金為有益也予嘗擬編家庭藥庫一
書以先慈曩日之素行為經而以本草為緯并以科學原理為之闡明庶四時八節之由一
切花草虫魚無不可以收入藥籠豈但牛溲馬勃竹頭木屑而已哉世間常有易得之物視
為無奇而在臨用之際則又無從覓取者例如七月晦夜燒地藏香時往往有螻蛄撲火而
來俗稱地狗無不立即打死投入火中殊不知此物乃有大用即本書中之土狗子也平時
絕不得見故予嘗謂地藏香之作用或即專在誘致此物先知先覺者秘其方藥用為子孫
衣食計故不肯以明言告人耳吾國世醫每有獨得之秘傳子而不傳女殆此類耳然而書
中自有公開者在特不為人所留心注目而已故予在校勘時輒加附註以引注意然為篇
幅所限不及旁伸側引暢所欲言會當發願著述家庭藥庫以供眾覽亦一極有興趣之事
特惜筆墨繁冗光陰有限正不知何日能踐此約耳蓋校刊本書費時亦竟三月每日晨起
自六時以至九時不過能寫三千餘字即以俗冗無復暇晷惟在晚燈之下始克校讎老眼
看花尚如隔霧何況校書如掃落葉故於印成之後發見誤字重行排印亦已不少然以一

人之心力眼力於百忙中躬承校勘之役亥豕魯魚終不能免甚望閱者隨時發見即以郵片見示俾於再版得以更正庶免久訛至於藥物及其分量則萬分慎重過有原本可疑之處亦嘗檢討諸書期無以誤傳誤之弊其有不可解者則復加按以示闕疑其有附記成藥者亦為便利采用並非含有廣告性質故凡附刊廣告均不印於正書空頁之中區區誠意謹為敘述於此後之覽者庶不致以小人之心度君子之腹也予印此書本由個人捐資千元擬印二千部嗣以附印諸君請改六開本為五開所需紙印之費因而加鉅定價不得不高庶書局家願為經售不致冷擱按年統計凡有盈餘仍以印送此書使得永久流傳亦如鮑氏原書一般之廣則原刊者之志願亦得因此而償而予之所願則願以此功德普度一切苦厄嘉惠貧病救濟失業或可於此一舉而兩得之是又賴乎明達之君子有以贊助之爾

時在民國二十三年甲戌重九天虛我生識於香雪樓



葉天士先生秘傳眼科

瞳人屬腎

大小眇屬心

黑珠屬肝

上胞屬脾

白珠屬肺

下胞屬胃



南京中醫藥大學圖書館藏



凡眼白珠有紅絲微痛者用清散藥宜左荆防湯

荆芥八分蔓荊子八分赤芍八分川芎八分防風八分車前子一錢

蟬退三分去翅

足菊花一錢生地錢半切片青箱子八分甘草四分生姜一薄片為引



凡眼大角紅腫者心火也

照前方加

黃芩八分酒炒木通八分加淡竹葉九片引





腫痛生眵流淚羞明
也眼糞

凡眼白珠盡紅腫痛生眵流淚羞明者火盛也宜用涼血散火湯
生地二錢切片丹皮八分赤芍八分黃芩八分防風八分荊芥八分歸尾
八分蟬退六分柴胡八分車前子一錢
如頭痛惡風或發熱加羌活八分加眼痛不可忍口渴加川連八分
酒炒或腫不消紅不退加紅花四分



凡眼小角淡紅或赤而痛者心之虛火也宜用養血散火湯

生地一錢切片丹皮八分歸身一錢草決明八分白芍一錢酒炒防風六分荊芥六分青

箱子八分川芎八分菊花一錢茯苓一錢車前子八分若服此藥紅痛俱愈但看物

不明去荊芥防風加沙苑蒺藜一錢淡鹽水炒兔絲子一錢熟地二錢



或極痛或微痛

凡眼黑珠週圍紅者肝火也或痛極或微痛宜用瀉肝湯

柴胡八分防風六分荊芥六分川芎六分歸尾八分赤芍八分菊花八分梔仁八分酒

炒青皮八分車前子八分生薑一薄片引 痛甚者加黃芩八分

服此痛不減口渴加龍胆草



絃邊癢爛

凡眼絃作癢及爛者風也內服左方搜風散外點蕤仁膏

防風六分荊芥六分蕤仁八分刺蒺藜一錢菊花一錢蟬退六分甘草四分穀精草六分

赤芍八分車前子一錢加老生薑一薄片引 外用洗藥 羌活錢半防風錢半胆

礬四分冬桑葉七片水煎燂洗或用白礬放熱水浸融常在癢爛處輕輕頻擦亦



妙



● 蕤仁膏方

蕤仁 水浸去皮一兩研爛用水兩碗熬至一酒杯濾去渣燉熟再下研就極細真
銅綠胆礬各五分攪勻以鴨毛翎蘸點眼皮之下即愈

凡眼睛雲翳遮滿黑珠當瞳人處稍薄者看物不甚清楚尚可以治用撥雲散加減治之（桐按方式見后第十九問）



凡眼睛雲翳遮滿黑珠當瞳人處色綠不見瞳人其翳凸起名曰綠水
泛瞳人不治



凡眼赤脈一條貫瞳人者心火乘腎也用加味導赤散

生地錢半切片木通八分甘草四分歸尾八分柴胡八分防風八分荆芥八分車前子八分

黃芩八分酒炒赤芍八分加生姜一薄片引

痛甚口渴生眵加川黃連六分酒炒連翹一錢



凡眼大角長肉一塊及黑珠名努肉扳睛宜服加味導赤散 外點硝爐散
生地錢半切片木通八分紅花四分赤芍八分防風六分荆芥六分蟬退八分甘草四分
歸尾八分生姜一薄片引 痛者加黃芩八分酒炒癢者加蕤仁八分刺蒺藜
八分

●硝爐散 浮水甘石不拘多少煨紅童便淬七次焙乾研極細末水飛三
次再用羌活防風蔓荊子川芎白芷川連黃芩菊花各等分煎濃汁將甘石
末拌透晒乾聽用 (又方) 製過甘石一錢火硝三分頂上四六冰片一分
搗勻點睛

眼胞下墮

視物不明

凡眼睛不紅不腫痛眼胞下墮視物不明者氣虛也宜服加減補中益氣湯
黃芩一錢蜜炙柴胡三錢陳皮八分茯苓一錢升麻三分枸杞一錢川芎八分炙草五分
白朮一錢歸身一錢 不用引



氣鬱不舒

凡眼睛不紅不腫痛者氣鬱也宜用開鬱湯

柴胡六分青皮八分香附八分酒炒青箱子八分防風六分荊芥六分決明八分
子八分川芎八分梔仁八分生姜一薄片引

黑珠夜暮痛者加夏枯草一錢紅絲者加歸尾八分生地一錢





視物不明

凡眼睛不紅不腫不痛眼胞不下墮但視物不明者肝腎虛也宜服加味地黃湯
熟地二錢切片山萸一錢丹皮八分川芎八分山藥一錢澤瀉八分歸身一錢
一錢免絲一錢菊花一錢茯苓八分

此方為丸亦可每服四錢要空心服若為丸則用熟地八兩山藥四兩山萸四兩歸身四兩枸杞四兩丹皮茯苓澤瀉川芎各三兩免絲子三兩酒蒸菊花二兩
此方凡病後眼睛看物不清楚及雲翳退後不明夜見燈上有絲球者皆可服也



黑珠白點



白點成塊

凡眼睛黑珠有白點及成塊輕者為雲厚者為翳宜服加減撥雲散

防風六分荊芥六分蟬退八分車前子八分木賊八分柴胡六分黃芩八分青箱

子八分赤芍一錢決明八分甘草四分加老生薑一薄片引



凡眼睛黑珠有雲翳眼角紅及有赤絲者宜服加減撥雲散

防風六分荊芥六分蟬退六分車前子八分木賊八分歸尾八分黃芩八分青箱子一

錢赤芍八分菊花八分生地錢半切片 生薑一薄片引

痛甚流淚生眵眼胞或加川黃連酒炒八分



凡眼睛黑珠雲翳圍滿有腫人者可治內服撥雲散外點硝爐散

木賊一兩防風六錢柴胡六錢青箱子八錢蟬退一兩黃芩六錢菊花八錢車前子八錢

共研極細末早晨空心開水調服二錢晚服一錢或用猪肝一塊剖開放藥末二錢

填內用濕棉紙包好置灰中煨熟食之亦可煎服之藥用前方撥雲散加減治之